



Meeqqat pisinnaatitaaffii pillugit isumaqatigiisummut Kalaallit Nunaata nammineq qinikkaminik isumaqatigiissutip tapiliusnaanut 19. december 2011-mi peqataalernissaanut Inatsisartut aalajangiussassaattut siunnersuut.

(Meeqqanut, inuusuttunut Ilaqutariinnullu Naalakkersuisoq)

(Siullermeerneqarnera)

Naalakkersuisunut qujanaq siunnersuummut.

Demokraatit nangaassuteqaratik siunnersuut taperserpaa meeqqat pisinnaatitaaffii pillugit isumaqatigiissutip tapiliusnaanut peqataalernissamut. Ileqqulersuutissap pigilerneratigut meeqqat taakkualu sinniisui periarfissaqalissapput Nunat peqatigiit meeqqat pisinnaatitaaffiinut ataatsimiititaliamut naammagittaalliorsinnaalernermik, nunami inatsisitigut illersuutissat tamaasa misilereernerisigut. Sulianut ilungersunarnerpaanut illersuutaassaaq pisinnaatitaanerullu illersorneranut annertusaataassalluni, tassungalu ilutigalugu nunatsinni nammineq eqqartuussissutigootitsisarnigut pigiinnarsinnaallugit.

Eqqaamassavarput, meeqqat pisinnaatitaaffii pillugit isumaqatigiissut 1993-imili uagutsinnut nunatsinni maani pingaaruteqartorujussuusimammat. Meeqqat pisinnaatitaaffiinik annertusaataasimavoq ukkatarinninnerlu pilersissimallugu, qanoq uagut inuttut inuiaqatigiittullu meeqqanut iliuuseqassanersugut ulluinnarni. Nammineq qinikkamik isumaqatigiissuteqalernermi alloriaqqissaagut, meeqqat pisinnaatitaaffitik pappiaraannarmi allassinatinnagit, aammali pisinnaatitaaffitik piviusunngortissallugit periarfissinneqassammata.

Demokraatinut siunertaq unaavoq qulakkeeruskatsigu, maani nunatsinni meeqqat tamarmik toqqissisimasumik alliatornissaminnut, atugarissaarnissaminnullu pitsaanerpaanik periarfissaqarnissaat aammalu piginnaasamillu atorluarnissaannut periarfissaqarlutik. Meeqqat oqartussaaqataappata ersarissumik oqariatuuteqassaagut, atugarissaarnissaat siunissaallu salliukkusukkigut.

Taamatuttaaq nalunngilarput, ataatsimiititaliap oqaaseqaatai ilitsersuutaannaasut inatsisitigullu pituttorsimanatik. Oqimaaqatigiinnermik pitsaasumik pilersitsivoq tamanna, nunat akornanni misilittakkatsinnik innersuussutigisinnaasatsinnillu iluaqusersinnaagatta, nammineersinnaanerput namminerlu inatsisitigut sinaakkutigut sanngiillisinngikkaluarlugit.

Isumaqatigiisummut peqataalernitsigut ersarissassavarput, meeqqat pisinnaatitaaffii ilungersuukkigut. Sakkortuumik tikkuussilluta uagut nammineq innuttatsinnut avatitsinnullu: Meeqqat illersorneqassapput, ataqqineqassapput aammalu ineriartuutaasunik pitsaanerpaanik periarfissaqassallutik ataatsimuussusermut pilliuteqarnissamut.



Taamatut oqaaseqaateqarlutik Demokraatit siunnersuut akuereqqullugu innersuussutigaat
ataatsimiititaliamilu susassaqartumi suliareqqinnissaa innersuussutigalugu.